

大方廣佛華嚴經

第五十四

百九
垂六

47869

元祿九年丙子二月日重脩

皇國聖蹟

佛國增輝 佛舎輪奐

山城州天安寺法金剛院置



大方廣佛華嚴經卷第五十四

垂

東晉天竺佛陀跋陀羅譯

入法界品之八

尔時善財偈讚歎已白言天神甚竒甚特此
菩薩法門最爲甚深此法門者名爲何等得
此法門其已久如本修何行而致之乎善男
子此處甚深一切人天聲聞緣覺所不能知
何以故滿普賢菩薩行者境界大悲菩薩藏
境界救護一切衆生菩薩境界除滅一切惡
道諸難菩薩境界一切佛刹中守護一切佛
法令不斷絕菩薩境界一切劫中修菩薩行

滿大願海菩薩境界具足成就明淨慧光滅
一切衆生愚癡闇障普照一切菩薩境界於
一念中明淨智慧普照三世諸方便海菩薩
境界善男子諦聽諦聽我當承佛神力爲汝
解說佛子乃往古世過世界微塵等劫有劫
名離垢圓滿世界名明淨妙德幢有須弥山
微塵等如來出現於世其佛世界七寶合成
衆寶莊嚴其上圓滿離垢清淨寶網羅覆金
剛圍山周帀圍遶有十萬億那由他四域天
下或有天下清淨衆生亦淨或有天下不淨
衆生不淨或有天下淨不淨雜衆生亦雜或
有天下清淨一切衆生善根具足無諸疾患

或有天下嚴淨殊勝但諸菩薩彼世界東際
近金剛山有四天下名華燈幢妙寶樓閣臺
觀宮殿上味飲食自然具足瞻蔔華樹普覆
一一種種香樹出妙香雲諸寶鬘樹普雨鬘
雲諸雜華樹雨不思議衆妙華雲諸末香樹
雨末香雲諸香王樹雨妙香雲摩尼寶樹雨
種種寶諸音樂樹微風吹動出和雅音充滿
虛空日月明淨妙寶光明普照一切彼四天
下有百万億那由他諸王京都一一王都有
千渠水微流迴映衆華普被自然演出天音
樂聲岸植寶樹行列莊嚴衆寶爲地一一水
間有十億千城彼一一城南十億百千那由

他聚落圍遶彼一一城及一一聚落各有無
量億那由他妙寶樓閣而莊嚴之彼閻浮提
有一王都名寶華燈安隱豐樂人民熾盛此
諸衆生具足修行十善業道時彼城中有轉
輪王名曰明淨寶藏妙德爲大法王治以正
法從蓮華生具三十二大人之相七寶成就
王有千子無端正勇猛有十億大臣王有寶女古花五十四
名妙德成滿端嚴姝妙目髮紺色身如天金
梵音清淨身出光明照千由旬彼有一女名
妙德眼一切諸行皆悉具足端正殊特觀者
無厭有十億百千那由他諸姝女衆皆與聖
王同善根行身真金色一切毛孔皆出妙香

衆寶莊嚴超踰天女。爾時衆生壽命無量。或
有不定。或有中天形色不同。長短名号音聲
善根精進方便亦悉不同。有好有醜。有讚有
毀。爾時有人謂一人言。我色端嚴。汝形鄙陋。
共相凌毀。作惡業已。壽命色力所受快樂。皆
悉損減。時彼城北有道場樹。名普光明妙法
音幢。衆寶爲根。無能壞者。莖節枝葉。衆寶合
成。皆悉齊等。出衆寶光雲。普覆一切。放衆寶
光。普照十方。演妙音聲。宣揚如來自在神力。
於其樹前有香水池。名寶華光明真法音雲。
衆寶爲岸。有十億百千那由他寶樹。圍遶彼
一一樹如菩提樹寶瓔女珞樹。周帀垂下清淨妙

寶以爲莊嚴衆寶樓閣無量無數周遍道場
彼香池中有一蓮華名三世一切佛莊嚴境界
雲最初妙德幢佛於彼華上成等正覺化衆
生故放大光明名曰萬歲衆生見者知後萬
歲佛當出世次後放光名一切衆生離垢歡
喜燈衆生見者知九千歲佛當出世次後放
光名離垢燈妙德藏衆生見者悉覩妙色知
八千歲佛當出世次後放光名一切衆生業
報音聲衆生見者分別了知自己業報知七
千歲佛當出世次後放光名起一切善根音
聲若有衆生諸根不具觸斯光明皆悉具足
知六千歲佛當出世次後放光名曰顯現不

可思議諸佛境界音聲衆生見者悉發明淨
自在之心知五千歲佛當出世次後放光名
曰嚴淨一切佛刹衆生見者見一切如來嚴
淨佛刹知四千歲佛當出世次後放光名一
切佛不可壞境界明淨燈衆生見者知佛自
在無所不至知三千歲佛當出世次後放光
名普照三世一切諸佛本事音聲衆生見者
知一切如來過去本事無量大海知二千歲
佛當出世次後放光名離癡瞋智如來淨燈
衆生見者得平等淨眼普見一切嚴淨佛刹
一切如來一切衆生知一千歲佛當出世次
後放光名一切衆生見諸如來長養善根衆

生見者知後七日佛當出世次後放光名一切衆生歡喜音聲衆生見者一心歡喜欲見如來佛子彼佛於一萬歲中放如是等無量光明教化衆生滿七日已佛神力故一切世界六種震動今時衆生於念念中見一切佛刹皆悉清淨衆寶莊嚴時彼世界衆生悉詣道場一切金剛圍山須彌山王一切諸山一切變化一切音聲一切大地一切城邑垣牆宮殿如是等一切諸物出微妙音歌頌讚佛又出一切香雲一切寶光明雲一切寶形像雲一切寶衣雲一切華雲一切末香雲一切寶莊嚴雲一切如來圓滿光雲一切如來大

願聲雲一切如來妙音聲雲一切如來諸相
好雲顯現不可思議如來瑞應相雲出如是
等一切妙雲供養如來時彼三世一切佛莊
嚴境界雲蓮華周匝出生十佛世界微塵等
衆寶蓮華彼一一蓮華鬚上有寶蓮華藏師
子之座彼師子座上有十佛世界微塵等菩
薩摩訶薩卽時妙德幢佛於一切世界隨其
所應轉淨法輪令無量衆生離惡道苦無量
衆生生天人中立無量衆生於聲聞緣覺之
地立無量衆生於勇猛精進菩薩之行立無
量衆生於離垢幢精進菩薩之行立無量衆
生於法光明菩薩之行立無量衆生於清淨

根菩薩之行立無量眾生於平等諸力菩薩
之行立無量眾生於一向專求入正法城菩
薩之行立無量眾生於至一切處不可破壞
神力自在菩薩之行立無量眾生於一切方
便菩薩之行立無量眾生出生菩薩三昧安
住菩提立無量眾生修一切淨行安住菩提
立無量眾生發菩提心立無量眾生住菩薩
道立無量眾生清淨諸波羅蜜立無量眾生
於菩薩初地乃至立無量眾生於菩薩十地
立無量眾生於菩薩大願殊勝之行立無量
眾生於普賢菩薩清淨願行何以故如來轉
不可思議自在法輪故於念念中隨其所應

以種種身種種方便種種說法度脫無量衆
生。爾時普賢菩薩知寶華燈城王都衆生自
恃色貌陵蔑他人化現妙身端嚴殊特往詣
彼城放大光明普照一切時彼聖王身之光
明諸寶光明寶女光明寶樹光明日月星宿
光明皆悉映蔽猶如聚墨在真金山普賢菩
薩身色光明映蔽衆光亦復如是。爾時衆生
各作是念。今此光明悉蔽我等不復顯現。爲
是梵天諸天光耶。爾時普賢菩薩在彼聖王
寶宮殿上於虛空中而告之言。大王當知佛
興於世。今在普光明妙法音幢菩提樹下。時
彼衆生見普賢菩薩相好嚴身無量光明聞

妙音聲歡喜無量發如是願今我等所作善
根得此妙身相好莊嚴威儀無異神力自在
除滅一切衆生愚闇覺悟一切佛與于世趣
趣受生願常不離此善知識時彼聖王與其
寶女及諸眷屬千子大日并四種兵上昇虛
空放大光明照四天下普為衆生以偈讚曰
如來出世間 普救諸群生 汝等應速起
往詣導師所 無量無數劫 或有佛興世
演說深妙法 饒益一切衆 普見諸群生
愚癡顛倒惑 流轉生死苦 於彼起大悲
無量無數劫 修習菩薩行 為化衆生故
後起無上心 須臾手足等 誰曾悉能施

無量無數劫

專求佛菩薩

無量無數劫

如來難值遇

其有見聞者

一切悉不虛

如來在道場

處佛正法座

降伏一切魔

得成最正覺

觀察如來身

放演無量光

種種微妙色

除滅一切闇

一一毛孔中

放光不思議

除滅愚癡瞋

令眾悉歡喜

各辦眾供具

發大精進心

咸詣如來所

恭敬設供養

尔時轉輪聖王讚歎佛已以轉輪王功德善

根興十種雲普覆虛空往詣道場供養如來

所謂一切寶雲一切華雲一切衣雲一切寶

衣雲一切寶網金鈴雲一切堅固香雲一切

如意珠雲一切妙寶幢雲一切寶宮殿雲一切莊嚴雲普覆一切莊嚴虛空供養如來往詣佛所頭面禮足遶無數帀退坐普照寶藏之座尔時妙德眼女即解身上諸莊嚴具奉散如來時莊嚴具於虛空中變成寶蓋衆寶莊嚴悉與一切諸宮殿等端嚴齊整十寶莊嚴金剛圍山周帀圍遶其形猶如明淨樓閣衆寶莊嚴無量龍王悉共執持寶樹圍遶妙香普熏於其蓋中有菩提樹枝葉榮茂普覆法界以無量莊嚴而莊嚴之見盧舍那佛坐此樹下與不可說佛刹微塵等大菩薩俱皆悉具足普賢菩薩一切所行住菩薩住無能

壞者又見一切世界諸王圍遶如來又見彼
佛神力自在又見一切諸劫次第世界成敗
又見一切諸佛次第出世又見普賢菩薩在
一切佛所恭敬供養教化衆生又見彼一一
世界中悉有佛刹微塵等世界種種安住種
種莊嚴種種清淨種種劫種種如來出興于
世種種三出世種種國土種種法界種種諸道
種種入法界種種虛空種種道場種種佛光
種種諸佛莊嚴師子之座種種如來眷屬種
種如來方便種種轉法輪種種如來妙音說
種種音聲海說種種妙多羅雲時彼女人見
聞如是歡喜無量小時妙德幢佛於大衆中

說修多羅名一切如來法輪妙音十佛世界
微塵等修多羅以為眷屬時彼女人聞此經
已即得一万三昧身心柔輒如初受胎又如
衆生初受勝業果報又如初生堅固吉樹所
謂見現在一切諸佛三昧普照一切佛刹三
昧深入三世三昧一切如來妙音轉法輪三
昧垂知一切佛願海三昧滅一切衆生生死苦五十四
惱三昧滅一切衆生癡闇滿足莊嚴大願三
昧滅一切衆生諸苦三昧令一切衆生具足
快樂三昧教化一切衆生心無疲倦三昧一
切菩薩無礙幢三昧菩薩降神母胎莊嚴三
昧得如是等一万三昧復得淨三昧心不動

心歡喜心正希望心廣大心順善知識教心
甚深薩婆若心隨順方便海心一切無著心
捨離一切世間境界心究竟如來境界心普
照一切色海心滅瞋恚心愛念心平等心無
疲倦心不退轉心離懈怠心觀一切法寂靜
心隨順一切法海心隨順分別一切法心分
別一切衆生海心救護一切衆生心普照一
切世界心滿一切佛大願海心壞散一切障
礙山心積集無量功德山心向佛十力心普
照一切菩薩境界心長養一切菩薩諸功德
心充滿一切十方海心發平等心成滿佛刹
微塵等諸願海心願淨一切如來刹心如

等心出生十佛世界微塵等法門所謂教化
一切衆生法門分別一切法界法門究竟一
切法海法門於一切世界盡未來劫出生菩
薩行法門於一切世界盡未來劫住菩薩行
法門往詣一切佛所法門值遇一切善知識
法門恭敬供養一切佛法門於念念中出生
一切智不斷菩薩行法門出生如是等十佛
世界微塵等法門出生普賢菩薩願行專求
一切智時彼女人得諸如來初發心願善男
子復於是前過十大劫有世界名曰輪光照
佛号因陀羅妙德幢此妙德眼女因普賢菩
薩善知識故造蓮華如來像衆寶莊嚴發菩

提心善男子尔時明淨寶藏妙德轉輪聖王
者豈異人乎今弥勒菩薩是也時寶女妙德
成滿者今寂靜音夜天是也妙德眼女者我
身是也善男子我以莊嚴具供養妙德幢如
來故見佛無量自在神力聞說正法聞正法
已即得教化一切衆生法門恭敬供養須弥
山微塵等一切如來聞彼諸佛所說經法皆
悉受持於一念中見彼一切佛刹一切如來
及菩薩衆善男子其後有劫名大光明世界
名種種莊嚴有五百佛出興于世我悉恭敬
供養此諸如來其最初佛名大悲幢我爲夜
天恭敬供養次後如來名金剛那羅延幢時

我為轉輪王恭敬供養彼佛為我說修多羅
名起一切如來性十佛世界微塵等修多羅
以為眷屬次後如來号金剛無礙德時我為
轉輪王恭敬供養彼佛為我說修多羅名普
照一切衆生諸根須弥山微塵等修多羅以
為眷屬悉聞受持次後如來名明淨炎妙德
山莊嚴時我為長者恭敬供養彼佛為我說
修多羅名普照三出截闍浮提微塵等修多
羅以為眷屬悉聞受持次後如來名一切法
海起王時我為阿修羅恭敬供養彼佛為我
說經名分別一切法界五百修多羅以為眷
屬悉聞受持次後如來名甚深妙法海光時

我爲龍女兩如意摩尼寶雲恭敬供養彼佛
爲我說修多羅名長養歡喜海百萬億修多
羅以爲眷屬悉聞受持次後如來名寶炎功
德山燈時我爲海神兩衆寶華雲恭敬供養
彼佛爲我說修多羅名法界方便海世界微
塵等修多羅以爲眷屬悉聞受持次後如來
名功德海光圓滿妙德時我爲仙人在雪山
往與六萬仙人俱往詣彼佛兩寶華雲恭敬
供養彼佛爲我說修多羅名法燈無所著六
萬修多羅以爲眷屬悉聞受持次後如來名
明淨妙德蔽我爲地天名出生平等義與無
量地天俱往詣彼佛兩一切寶一切寶蔽一

切莊嚴雲恭敬供養彼佛爲我說修多羅名
起一切如來智藏無量修多羅以爲眷屬悉
聞受持佛子如是五百如來次第興出其最
後佛名法界虛空寶山妙德燈時我爲伎人
名曰善口彼佛入城我在空中以一千偈讚
歎如來尔時世尊眉間白毫相放大光明名
普照法界莊嚴普照十方照已入我身中即
得法界方便不退藏法門佛子如是等世界
微塵等劫諸佛興出世我悉恭敬供養彼諸如
來所說正法悉聞受持未曾忘失一句一味
於一一佛所得三世甚深法界清淨法身一
切智光普照一切攝取普賢菩薩所行於念

念中悉見無量無邊諸佛得無量無邊淨慧
光明普照一切先未得未證普賢所行今悉
成滿何以故說無量無邊故今時妙德救護
衆生夜天欲重明此義以偈頌曰

善財應諦聽

甚深難見法

普照於三世

分別深法界

如我初發心

專求無上道

隨所得法門

諦聽我今說

過去久遠世

佛刹微塵劫

今時有一劫

名離垢圓滿

時有世界名

明淨妙德幢

須彌微塵等

如來出興世

初佛妙德幢

二普慧光炎

法幢德須彌

第四師子佛

第五寂靜王

六号除滅惡

第七功德聚

第八須彌山

第九妙德佛

第十明淨月

如是十如來

彼劫初出世

次復有十佛

初虛空方便

第二普光明

三安住諸力

第四功德海

第五高無上

第六最勝雲

第七功德佛

第八光炎山

第九蓮華佛

第十法界化

是為第二十

初光明幢王

第二智慧佛

第三心義佛

因陀羅妙德

第五妙天佛

第六勇猛王

第七智慧德

第八光明幢

第九如來号

超出一切世

第十蓮華佛

是為第三十

第一光炎山

第二功德海

第三法光明

第四妙蓮華

第五衆生眼

第六香光明

七妙德寶山

八軋闍婆王

第九明淨智

第十寂靜色

初佛光智慧

第二寶光明

三虛空妙德

第四妙相佛

圓滿功德光

第六那羅延

第七妙須彌

八功德轉輪

九不可壞王

第十寶山佛

初佛娑羅王

第二妙德藏

第三光明王

第四真實起

第五光明德

六陀羅尼德

七光明甚深

八法海音佛李

第九須彌幢

光明妙德佛

寶光炎如來

是為第十佛

初佛梵光炎

第二虛空音

第三法界光

第四圓滿光

第五分別方

第六光明幢

第七虛空燈

第八樂妙德

第九明淨光

妙功德如來

十寂靜妙德

大悲雲如來

初佛力光慧

二衆生現前

第三無上福

第四妙德光

第五法起佛

六風速妙德

第七淨幢佛

第八寶蓋佛

第九妙德佛

十普照三世

初佛号願海

第二光明德

第三金剛身

四須彌妙德

第五正念佛

六幢王妙德

第七智慧燈

第八無量寶

第九号方便

明淨法界佛

第十号法海

明淨智妙德

初佛号法寶

功德轉輪王

第三功德雲

第四忍辱燈

第五寂靜音

第六寂靜幢

第七衆生燈

第八大願佛

第九如來号

不可壞幢王

第十号智慧

炎起妙德佛

初佛号法王

第二無礙智

三照語言海

第四妙音聲

第五妙德音

第六自在佛

七十方一切

衆生現前佛

第八平等意

九無上如來

第十号自然

賢妙德最勝

如是等一切

須弥塵數佛

彼諸如來等

我已悉供養

佛刹微塵劫

所出諸如來

悉恭敬供養

逮得此法門

我於無量劫

修行得法門

善財聞思惟

應當速究竟

善男子我唯知此教化衆生菩薩法門諸大

菩薩究竟無量無邊菩薩所行悉從種種性

海中起種種正直身心滿諸根海具足一切

諸大願門修行無量諸三昧門具足成就無

量神力修行無量智慧之行入種種智諸法
光明普照一切我當云何能知能說彼功德
行善男子於此道場去我不遠有一夜天名
寂靜音聲處寶幢蓮華師子之座百萬阿僧
祇諸天眷屬圍遶汝詣彼問云何菩薩學菩
薩行修菩薩道時善財童子頭面敬禮妙德
救護衆生夜天足遶無數而敬心辭退往詣
寂靜音夜天所頭面禮足遶無數而恭敬合
掌於一面住白言天神我已先發阿耨多羅
三藐三菩提心我依善知識學菩薩行入菩薩
行入菩薩行地住菩薩行住唯願天神爲我
解說今時夜天告善財言善哉善哉善男子

乃能依善知識求菩薩道善男子我成就菩
薩無量歡喜莊嚴法門白言天神此法門者
爲何所作境界云何何等方便爲何等行荅
言善男子我能清淨一切衆生心海除滅塵
垢不斷清淨莊嚴之心得不退境界堅固之
心不可動心決定了知功德寶山莊嚴無染
著心常現前護一切衆生心見一切佛諸菩
薩海無厭足心清淨菩薩正直力心普照一
切智慧海心善男子我爲衆生滅除憂惱無
量衆苦令其永離諸惡色聲香味觸意法除
滅衆生愛別離苦怨憎會苦及餘一切諸惡
因緣壞敗大苦住生死苦生老病死憂悲惱

苦令得如來無上快樂一切城邑聚落衆生
我悉救護令得安樂廣爲說法教令漸求一
切種智若見衆生在家宮殿心樂著者爲彼
說法令知諸法真實之性若見衆生與父母
兄弟歡娛讌集爲彼說法令與諸佛菩薩共
會若見衆生妻子歡會爲彼說法令竭生死
愛欲之海具足大悲等觀一切若見衆生處
王宮殿爲彼說法悉令逮得賢聖快樂若見
衆生著境界者爲彼說法令得如來甚深境
界若見衆生起瞋恚者爲彼說法令得如來
犀羴提波羅蜜爲懈怠者演說正法令得菩薩
清淨毗梨耶波羅蜜爲亂心者演說正法令

得如來禪波羅蜜為邪癡者演說正法令得
般若波羅蜜為著三界者演說正法令出三
有為樂小法者演說正法令其滿足菩提大
願為自安者演說正法令具大願饒益一切
為心劣者演說正法令得菩薩力波羅蜜為
無智者演說正法令得菩薩智波羅蜜為無
色者演說正法令得如來清淨色身為危脆
身者演說正法令得無上清淨法身為惡色
者演說正法令得如來清淨妙色為苦惱者
演說正法令得如來無上快樂為貧窮者演
說正法令得菩薩諸清淨戲為園觀者演說
正法令一切求諸佛妙法為在路者演說正

法今得一切智道爲聚落者演說正法今出
三界爲國土者演說正法今過聲聞緣覺及
菩薩地住如來地爲在城郭者演說正法今
入法王城普照一切爲在嶠者演說正法今
得三世平等智慧爲在方者演說正法今一
切智常現在前觀一切法爲貪欲多者演說
正法今觀不淨滅生死愛爲瞋恚多者演說
正法今得究竟大慈之海爲愚癡多者演說
正法今得智慧觀諸法海爲等分者演說正
法今其分別諸勝願海離生死樂滅生死苦
顯佛正法不著五陰常行妙法爲懈怠者演
說正法今得莊嚴勝道爲憍慢者演說正法

今觀一切諸法平等爲誦曲者演說正法今
得菩薩清淨直心善男子我以如是等無量
法施攝取衆生滅惡道苦處天人樂永離三
界具諸功德種種方便而化度之歡喜無量
入法界品之九

復次善男子我常觀察菩薩摩訶薩大每種種願行

種種淨身種種淨光種種光炎種種諸道趣
薩婆若入種種二昧海顯現種種自在神力
出生種種妙音聲海種種妙莊嚴身種種方
便入如來海往詣種種諸佛刹海究竟種種
諸如來海深入種種諸辯才海普照種種如
來境界成就種種諸智慧海超度種種三昧

印海安住種種遊戲法門以種種門趣薩婆
若種種莊嚴虛空法界種種莊嚴雲普覆虛
空觀察種種諸大衆海十方世界一切刹中
諸如來所菩薩眷屬普雨種種妙莊嚴雲皆
悉來會安處種種莊嚴之座深入如來方便
大海行諸法海度種種智海我見此已起無
量歡喜與佛力等又善男子盧舍那佛不可
思議清淨色身相好莊嚴我見此已起無量歡
喜盧舍那佛於念念中放法界等光普照一
切諸法界海我見是已起無量歡喜盧舍那
佛於念念中一一毛孔放無量佛刹微塵等
光一一光明有無量佛刹微塵等光以為眷

屬普照一切充滿法界除滅衆生一切苦惱
我見是已起無量歡喜盧舍那佛於念念中
從頂上兩肩上放一切佛刹微塵等寶光山
雲普照一切充滿法界我見是已起無量歡
喜盧舍那佛一一毛孔放一切佛刹微塵等
香雲普熏十方一切佛刹我見是已起無量
歡喜盧舍那佛一一相中出一切佛刹微塵
等相充滿一切諸世界海我見是已起無量
歡喜盧舍那佛一一毛孔出一切佛刹微塵
等自在力雲初發心等清淨波羅蜜莊嚴菩
薩諸地我見是已起無量歡喜盧舍那佛一
一毛孔念念出生不可說不可說佛刹微塵
等諸龍王身為見龍身而受化故又出不可

等諸龍王身為見龍身而受化故又出不可
說不可說佛刹微塵等諸夜叉身軋闍婆阿
脩羅迦樓羅緊那羅摩睺羅伽等身為見彼
身而受化故我見是已起無量歡喜盧舍那
佛一一毛孔出不可說不可說佛刹微塵等
轉論王身雲七寶成就神力自在充滿去見

古花五十四卷

十三

靈寶

為見彼身而受化故我見是已起無量歡喜
盧舍那佛一一毛孔出不可說不可說佛刹
微塵等梵王身雲出淨梵音為眾生說法為
見聞彼而受化故我見是已於念念中起無
量歡喜悉與法界薩婆若等起者非起得者
非得見者非見入者非入度者非度滿者非

滿聞者非聞何以故分別了知法界性故解
三卅法悉一性故佛子此菩薩無量歡喜莊
嚴法門有如是等無量境界佛子此法門者
無量無邊究竟方便諸法海故此法門者不
可損減薩婆若心不可壞故此法門者不可
窮盡衆生妄想不可盡故此法門者最為甚
深寂靜智境界故此法門者不可破壞菩薩
智所知故此法門者不可稱量不可破壞滿
法界故此法門者即是普門於一相中攝取
一切自在力故此法門者第一一切法無身
行無二故此法門者非生一切諸法悉如幻
故此法門者如電攝薩婆若諸大願故此法

門者如化善能變化菩薩行故此法門者如
大地輪饒益一切諸衆生故此法門者如大
水輪以廣大悲潤衆生故此法門者如大火
輪消竭衆生諸貪愛故此法門者如大風輪
立一切衆生薩婆若故此法門者猶如大海
功德莊嚴一切衆生故此法門者如須弥山
一切功德海中起故此法門者如大城郭一
切法街巷而莊嚴故此法門者猶如虛空三
世諸佛自在最無上故此法門者猶如慶雲
普雨衆生甘露法故此法門者猶如白日普
照一切滅癡闇故此法門者猶如滿月滿足
衆生功德海故此法門者如如至一切故此

法門者如影善能應化諸業報故此法門者
如響隨其所應為說法故此法門者猶如電
光隨其所應悉照知故此法門者猶如樹王
一切諸佛功德妙華成就一切智果實故此
法門者猶如金剛一切世間無能壞故此法
門者如隨意寶王出生無量自在力故此法
門者重如離垢寶悉分別知三世佛故此法門
者猶如寶幢出一切佛平等法輪妙音聲故
佛子如此諸喻非喻余時善財白寂靜
音夜天言菩薩修何等法得此法門答言佛
子菩薩修行十妙法故得此法門何等為十
所謂菩薩修行布施令一切衆生海皆悉歡
喜修行淨戒成滿諸佛功德大海修行忍辱
了知一切諸法眞生修持清淨及摩訶安

喜修行淨戒成滿諸佛功德大海修行忍辱
了知一切諸法真性修行精進於薩婆若堅
固不退修行禪定除滅一切衆生煩惱修行
智慧分別了知一切法海修行方便教化成
就一切衆生海修行大願於一切佛刹海盡
未來劫修菩薩行修行諸力於念念中現一
切刹成等正覺修行無盡智了知三世法無
所障礙佛子是爲十妙法菩薩摩訶薩修行
此法起此法門得此法門淨此法門成此法
門長養增廣不可沮壞善財白言天神發阿
耨多羅三藐三菩提心爲久如耶荅言佛子
乃往古世過二佛刹微塵等劫有劫名普照

幢於此蓮華藏莊嚴世界海東過十世界海
有一世界海名曰離垢衆寶莊嚴彼世界海
中有世界性名一切佛光明願音彼世界性
中有一世界名離垢光金色莊嚴一切寶雲
而莊嚴之衆寶爲地堅固不動形如一切香
妙德王莊嚴樓閣皆悉清淨諸天宮殿充滿
其中彼有王都名曰普滿妙德藏王彼有道
場名一切衆寶莊嚴藏月光明其佛号不退
法界妙音於此道場得阿耨多羅三藐三菩
提我於尔時爲菩提樹神名功德燈無量光
幢我見彼佛成等正覺顯現無量自在神力
我於尔時發阿耨多羅三藐三菩提心於彼

佛所逮得三昧名普照佛功德海彼道場上
次有如來出興于世号法樹功德山彼菩提樹
神命終之後還生此處為菩提樹夜天名妙
德慧功德光明聞彼如來轉正法輪復得無
量歡喜普照一切境界三昧彼道場上次有
如來出興于世号一切法海妙音聲王值彼
如來復得三昧名成就一切法地彼道場上
次有如來出興于世号寶光炎燈幢王值彼
如來復得三昧名分別一切普照雲彼道場
上次有如來出興于世号功德須弥光王值
彼如來復得三昧名照諸佛海彼道場上次
有如來出興于世号法雲妙音聲王值彼如

來復得三昧名一切法海燈彼道場上次有
如來出興于世号智慧燈明淨燈王時我為
天女值彼如來復得三昧名明淨燈滅衆生
苦彼道場上次有如來出興于世号法勇幢
妙德值彼如來復得三昧名三世佛普照藏
彼道場上次有如來出興于世号法燈勇猛
智慧師子值彼如來復得三昧名明淨智普
照一切無所障礙彼道場上次有如來出興
于世号智力山王值彼如來復得三昧名普
照三世衆生根行佛子彼普照幢劫離垢光
金色莊嚴世界如是次第有十佛世界微塵
等如來出興于世我於今時或為天王龍王

夜叉王軋闍婆王阿修羅王迦樓羅王緊那
羅王摩睺羅伽王或爲人王梵王男子女人
童男童女皆悉值彼一切如來恭敬供養彼
佛說法悉聞受持於彼佛刹二佛世界微塵
等劫修菩薩行逕佛刹微塵等受生最後命
終生此蓮華藏莊嚴世界海娑婆世界中作
道場夜神值拘樓孫如來得三昧眼名離垢
一切香王光明次值拘那含牟尼如來復得
三昧名隨順普照一切刹海次值迦葉如來
復得三昧名妙音聲海分別一切衆生音海
今復值見盧舍那佛坐於道場菩提樹下成
等正覺於念念中顯現無量自在力海復得

菩薩無量歡喜莊嚴法門得法門已深入十
不可說不可說世界海微塵等法界方便海
以此法界方便海於一切佛刹微塵一一微
塵中悉見十方不可說不可說佛刹微塵等
世界及彼諸佛彼諸如來所說正法悉聞受
持又見盧舍那佛於念念中一切世界坐於
道場成等正覺出生無量自在神力一一神
力滿法界海我悉詣彼所說正法悉聞受持
又復見彼一切諸佛一一毛孔出化身海滿
法界海顯現種種自在神力於一切佛刹海
一切世界性一切世界一切諸趣一切衆生
中隨其所應轉正法輪我以精進聞持陀羅

尼故悉能受持正念思惟知味知義明智慧
截圓滿清淨分別了知一切法海觀察三世
諸佛平等出生一切方便法門於一一方便
出生一切修多羅雲一一修多羅雲成就一
切諸正法海一一法海攝取一切諸迴轉法
一一迴轉法普出一切諸妙法雲一一法雲
出生一切諸法波浪一一波浪逮得一切歡
喜法海一一歡喜法海出生一切諸功德地
一一功德地出生一切諸三昧海一一三昧
海見一切佛海一一佛所得一切光明海一
一光明海普照三世得圓滿智地普照十方
知無量佛過去行海照一切佛無量本事海

難捨能施持無量淨戒行無量忍長養清淨
菩薩精進清淨無量諸禪定海了知如來般
若波羅蜜海普照如來無量方便海了知如
來長養功德智慧力波羅蜜分別如來無量
智波羅蜜海普照如來過去無量菩薩諸地
無量佛地神力自在無量劫中所修習起淨
無量佛過去菩薩地修無量佛過去智地照
無量佛諸智慧地知無量佛爲菩薩時相續
善根知無量佛爲菩薩時於一切劫海中一
切佛海所修菩薩行知無量佛爲菩薩時出
生佛刹海無量菩薩行充滿法界種種方便
門教化衆生普照十方諸世界海爲諸衆生

現自在力普照如來一切智地轉淨法輪悉
聞受持一切法雲顯現無量菩薩自在神力
普照諸佛相海行海力海於念念中知彼諸
佛從初發心乃至無餘涅槃遺法滅盡善男
子汝所問我發心已來爲幾時者如上所說
乃至來生此刹供養盧舍那佛如比世界共
養拘樓孫佛乃至盧舍那佛供養賢劫未來
諸佛亦復如是如供養賢劫諸佛供養一切
世界未來諸佛亦復如是而彼離垢光金色
莊嚴世界今猶現在是故善男子汝當一心
修此法門尔時寂靜音夜天欲重明此法門
義以偈頌曰

善財應諦聽

我說此法門

應生歡喜心

勤修今究竟

無量諸劫海

修習菩薩行

心淨如虛空

入一切智藏

聞三世佛法

一心樂專求

於彼如來所

修習諸功德

我見過去佛

恭敬悉供養

聞佛說正法

歡喜心無量

亦已悉恭敬

供養於父母

一心樂專求

究竟此法門

老病貧窮等

諸根不具者

除滅彼苦惱

悉令得安樂

水火官賊難

怨敵諸恐怖

及海中諸難

我皆救濟之

衆生煩惱業

種種受報苦

摧破生死山

救護諸群生

一切諸惡道

無量楚毒苦

生老病死痛

我當悉除滅

我願無量劫
滅除生死苦

安隱一切衆

常見一切佛

善男子我唯成就此無量歡喜莊嚴法門諸
大菩薩深入法海分別一切劫善知一切諸
世界海成敗之事我當云何能知能說彼功
德行善男子此道場上如來衆中有一夜天
名曰妙德守護諸城汝詣彼問云何菩薩學
菩薩行修菩薩道尔時善財讚歎寂靜音夜
天以偈頌曰

我受知識教

來詣天神所

見無量淨身

安處天寶座

虛妄取諸相

染著一切法

無智衆生等

不能知境界

清淨妙色身

一切諸天衆

無量劫諦觀

其心無厭足

遠離於五陰

一切無所著

超出世疑惑

顯現自在力

不深内外法

無礙心不動

明淨智慧眼

見佛自在力

身為正法藏

心是無礙智

成佛智慧光

普照諸群生

分別說心業

莊嚴諸世間

知心業自性

現身等衆生

知世悉如夢

了佛如電光

一切法如響

今衆無所著

念念悉除滅

三世衆生惑

不取三世相

而能演說法

一切佛刹海

一切諸佛海

無量衆生海

無著修法門

時善財童子頭面敬禮彼夜天足遶無數帀

敬心辭退

大方廣佛華嚴經卷第五十四

十八紙

垂

猪飼長房寫附

